

25. april 2017

2016-imut Ilassutissatut aningaasaliissutitut Inatsisissatut Siunnersuut.
(Aningaasaqarnermut Akileraartarnermullu Naalakkersuisoq)

Siumumiit imatut oqaaseqarfigissavarput.

2016-imut ilassutitut aningaasaliissutitut inatsisartut inatsisaat Aningaasaqarnermut Akileraartarnermullu Ataatsimiititaliap akuersissutai ilassutitut ukiumi aningaasaliiffiusumi 2016-imut kingumoor-tumik aningaasaliinertut isigisariaqarpoq. Inatsillu malillugu ukiumi tulliuuttumi ileqqusumik ataatsimiinnermi siullermi akuersissutigineqartussaapput.

Manna Naalakkersuisut taamatuttaarlu Aningaasanut Inatsimmut Ataatsimiititaliami aalajangiiffi-gineqarsimasut aalajangersarneqassapput

2016-imut ilassutitut Aningaasaliissutitut Inatsisissatut siunnersuut ilanngussaq 1-imik ilaqarput, tassani ilassutitut aningaasaliissutit takutinneqarlutik, taamatuttaarlu ilanngussaq 2-imi oqaasertali-ussanut allannguutit akuersissutigineqartut takuneqarsinnaalutik.

Tamatuma nassataraa 2016-imut Aningaasanut Inatsimmi IS-imi (ingerlatsineq sanaartornerlu) mis-singersuutaasunut 203,5 mio kr. ajorseriaataalluni, Aningaasanut Inatsimmi IS-mi 56.8 mio. Kr.-inik amigartooruteqarnissaq ilanngullugu ataatsimut 260.3 mio. kr-inik IS-imi kinguneqassaaq.

Erseqqissarneqassaaq Ilassutitut Aningaasaliinermi Kalaallit Airports A/S-imi 200 mio. Kr. Aningaasaliinerup kingunerimmagu.

Ilassutitut Aningaasaliissutissatut siunnersuut manna Missingersuusiortarnermi Inatsimmi aalaja-ngersakkat malillugit naammassineqarpat 2016-imut Landskarsip naatsorsuutai suliarineqarsinnaa-lissapput, ilimanarporlu upernaag manna oqaluuserineqassasut.

Erseqqissarneqassaaq.

Ilassutitut aningaasaliissutitut Inatsisartut inatsisissaattut siunnersuut manna IST-mi (ingerlatsineq sanaartorneq attartortitsineq) inerniliussanut sunnuteqassanngimmat.

2016-imut ilassutitut aningaasaliissutitut inatsisissatut siunnersuut manna aappasaaneerneqartinna-ni Aningaasaqarnermut Akileraartarnermullu Ataatsimiititaliamut innersuupparput.

Jens Immanuelson
Siumut